



Nick Ramsay AC  
Cadeirydd  
Y Pwyllgor Cyfrifon Cyhoeddus  
Cynulliad Cenedlaethol Cymru  
Bae Caerdydd  
Caerdydd  
CF99 1NA

4 Rhagfyr 2019

Annwyl Gadeirydd

Ysgrifennais atoch ar 29 Ebrill ar ôl ichi godi sawl pwynt yn ymwneud â chaffael yn eich llythyr dyddiedig 29 Mawrth.

Bryd hynny, awgrymais y byddwn yn bwrw ymlaen â'r gwaith dros fisoedd yr haf ac y byddwn yn rhannu hynt y gwaith y hwnnw gyda'r Pwyllgor wedi hynny. Rwy'n falch o allu gwneud hynny nawr.

Yn fy llythyr, soniais fod rhaglen gaffael ar gyfer y dyfodol yn cael ei datblygu ac y byddai'n cael ei gyrru gan strategaeth newydd a oedd yn cael ei llywio drwy ymgynghori â rhanddeiliaid. Mae gwaith ar y strategaeth yn symud yn ei flaen yn dda gyda'r naw llinyn pennawd yn creu'r ffurf ar gyfer y strwythur angenrheidiol i sbarduno newid mawr. Bydd y ffurf yn helpu i gyflawni'r ymrwymadau caffael a nodir yn y Datganiad Ysgrifenedig a gyhoeddwyd gan Ysgrifennydd Cyllid y Cabinet ar y pryd ym mis Medi 2018, yn ogystal ag ymrwymadau'r maniffesto. Mae crynodeb o'r naw llinyn ynghlwm yn Atodiad 1.

Mae Llinyn 9 yn ymdrin ag esblygiad y Gwasanaeth Caffael Cenedlaethol (GCC). Gwneir y gwaith hwn mewn cydweithrediad agos â rhanddeiliaid megis Cymdeithas Llywodraeth Leol Cymru. Mae'r Gymdeithas yn creu fersiwn derfynol o'i strategaeth gaffael gyffredinol ac un elfen ohoni fydd y cymorth y bydd y corff contractio cenedlaethol newydd yn ei roi iddi.

O dan llinyn 9, y bwriad yw esblygu'r GCC i fod yn swyddogaeth sy'n hoelio sylw ar reoli categorïau, gan sicrhau bod polisiau ymarferol yn cael eu hintegreiddio mewn ffordd real a phendant. Mae hyn yn symud yn ei flaen yn dda. Mae'r dyluniad yn seiliedig ar ddewis rhanddeiliaid y dylid integreiddio swyddogaeth polisiau newydd (a ddisgrifir o dan llinyn 4) a'r swyddogaeth newydd o ran contractio cenedlaethol.

Bydd model adnewyddedig y GCC – a fydd yn golygu llai o fframweithiau, ond mwy o ffocws ar ddarparu ymyriadau polisi ymarferol – yn elfen allweddol o gefnogi'r newidiadau sylweddol a gynigir drwy'r llinynnau gwaith eraill.

Ar yr amod bod y dull o gyd-ddylunio yn parhau, rwy'n rhagweld y byddaf yn gallu rhoi diweddariad pellach i'r Pwyllgor yn ystod y gwanwyn.

Mae croeso ichi gysylltu â fi os oes angen rhagor o wybodaeth arnoch.

Yn gywir



**Andrew Slade**

Y Cyfarwyddwr Cyffredinol

Yr Economi, Sgiliau ac Adnoddau Naturiol

## **Trawsnewid Caffael – Ffurf**

### **Llinyn 1 – Arweinyddiaeth**

Rydym am i Lywodraeth Cymru arwain trwy esiampl trwy ddod yn enghraifft o arfer gorau o ran caffael.

Byddwn yn defnyddio Safonau Masnachol y Llywodraeth i gadw Llywodraeth Cymru ar y lefelau ymwybyddiaeth a gallu angenrheidiol.

### **Llinyn 2 – Mentrau polisi sy'n cael eu gyrru gan ddata**

Byddwn yn defnyddio dull wedi'i dargedu sy'n cael ei yrru gan ddata tuag at gymhwyso polisi i sicrhau ein bod yn canolbwyntio ymdrechion lle gellir sicrhau'r gwerth mwyaf.

Byddwn yn defnyddio teclyn blaenoriaethu i'n helpu i nodi meysydd polisi allweddol, gan roi cyfle i weithredu mentrau fel y gellir gwireddu gwerth llawn caffael yn genedlaethol, yn rhanbarthol ac yn lleol.

### **Llinyn 3 – Gallu a phroffil y proffesiwn caffael**

Byddwn yn meithrin gallu a gwytnwch ar draws y proffesiwn caffael yng Nghymru i fynd i'r afael â'r diffyg sgiliau, grymuso staff ac annog arloesedd.

Byddwn yn cyflwyno cynllun sgiliau a gallu newydd i arfogi swyddogion caffael presennol â thechnegau masnachol modern, i godi ymwybyddiaeth fasnachol pawb arall i greu llif o dalent yn y dyfodol ac i godi statws y proffesiwn ledled Cymru.

### **Llinyn 4 - Gwasanaeth datblygu a darparu polisi newydd (gyda phecynnau cymorth)**

Byddwn yn cryfhau'r gwaith o ddatblygu a chyflawni polisi ar draws sector cyhoeddus Cymru sy'n helpu i sefydlu diwylliant sy'n sicrhau'r canlyniadau cymdeithasol, economaidd, amgylcheddol a diwylliannol mwyaf posibl.

Byddwn yn darparu cefnogaeth, hyfforddiant ac offer i helpu sefydliadau sy'n prynu i sicrhau'r canlyniadau mwyaf posibl trwy gaffael.

### **Llinyn 5 – Ymyrraeth a dadansoddiad o'r gadwyn gyflenwi**

Byddwn yn gweithredu blaenoriaethau'r Cabinet (megis creu swyddi lleol) trwy ddadansoddi data a chymhwyso ymyriadau i gadwyni cyflenwi ledled Cymru.

Rydym yn ailstrwythuro cadwyni cyflenwi i gynnwys cyflenwyr lleol a fydd o fudd i'r economi leol.

### **Llinyn 6 – Rhaglen farchnata ac ymgysylltu**

Byddwn yn cyd-gysylltu cymuned gaffael sector cyhoeddus Cymru ledled Cymru.

Byddwn yn arddangos llwyddiant ac yn rhannu arfer da gan ddefnyddio technoleg ddigidol fodern.

## **Llinyn 7 – Cynllun gweithredu digidol**

Byddwn yn datblygu seilwaith modern ar gyfer caffael digidol trwy gydweithio â'n cydweithwyr trwy bob rhan o wasanaethau cyhoeddus integredig Cymru.

Rydym yn datblygu strategaeth gaffael ddigidol flaengar ar gyfer y dyfodol, a fydd yn cynnwys cynlluniau i gynyddu ein buddsoddiad i'r eithaf mewn e-Gyllido, Caffael i Dalu, dadansoddi gwariant, rheoli cylch bywyd contract ac offer rheoli cyflenwyr strategol.

## **Llinyn 8 – Proses lywodraethu newydd**

Byddwn yn gweithredu proses lywodraethu wedi'i hadnewyddu a chyffredinol ar gyfer caffael o fewn sector cyhoeddus Cymru sy'n cefnogi cyflawni blaenoriaethau Llywodraeth Cymru (megis Ffyniant i Bawb), yn ogystal â blaenoriaethau eraill yn y sector cyhoeddus.

## **Llinyn 9 – Esblygiad y GCC**

Byddwn yn esblygu i fod yn swyddogaeth sy'n canolbwyntio ar reoli categorïau gan sicrhau bod polisiau ymarferol yn cael eu hintegreiddio.

Byddwn yn cefnogi datblygu llif o gontractau i Gymru, a'n huchelgais fydd prynu atebion arloesol ar gyfer sector cyhoeddus Cymru.